

სახელმწიფო შესყიდვის შესახებ ხელშეკრულების პროექტი

ქ.საგარეჯო

2023 წელი

ერთის მხრივ, საგარეჯოს მუნიციპალიტეტის მერია (შემდგომში, ხელშეკრულების ტექსტში „შემსყიდველი“), მისი წარმომადგენლის მერის ავთანდილი გულიკაშვილის სახით და მეორეს მხრივ, (შემდგომში, ხელშეკრულების ტექსტში „მიმწოდებელი“), მისი წარმომადგენლის სახით, ორივე ერთად წოდებული როგორც „მხარეები“, სახელმწიფო შესყიდვის შესახებ საქართველოს კანონის 161 მუხლის პირველი პუნქტის, „ელექტრონული ტენდერის ჩატარების წესის დამტკიცების შესახებ“ სსიპ - სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დამტკიცებული ელექტრონული ტენდერის ჩატარების წესის 33-ე მუხლის პირველი პუნქტისა და სახელმწიფო შესყიდვების ერთიანი ელექტრონული სისტემით გამოცხადებული ელექტრონული ტენდერის შედეგების საფუძველზე, ვდებთ წინამდებარე ხელშეკრულებას (შემდგომში - ხელშეკრულება) შემდეგზე:

1. ხელშეკრულებაში გამოყენებულ ტერმინებს აქვს შემდეგი მნიშვნელობა

- 1.1. „ხელშეკრულება სახელმწიფო შესყიდვის შესახებ“ - შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „შემსყიდველი ორგანიზაცია“ - ორგანიზაცია (დაწესებულება), რომელიც ახორციელებს შესყიდვას.
- 1.4. „მიმწოდებელი“ - პირი, რომელიც ახორციელებს ხელშეკრულებით გათვალისწინებული საქონლის მიწოდებას, მოცემული ხელშეკრულების ფარგლებში.
- 1.5. „დღე“, „კვირა“, „თვე“ - კალენდარულ დღე, კვირა, თვე.
- 1.6. „შესყიდვის ობიექტი“ - ხელშეკრულების მე-2 მუხლის 2.1. პუნქტით გათვალისწინებული ხელშეკრულების საგანი.

2. ხელშეკრულების საგანი

- 2.1. ხელშეკრულების საგანია, საგარეჯოს მუნიციპალიტეტის მერიისათვის, საკრებულოსათვის და სამხედრო გაწვევის სამსახურის ფუნქციონირებისათვის ტონერის კარტრიჯების სახელმწიფო შესყიდვა და მიწოდება დანართი №2 და დანართი №1-ში მოცემული ჩამონათვალის შესაბამისად. (შემდგომში, ხელშეკრულების ტექსტში „საქონელი“)
- 2.2. მიმწოდებელი ვალდებულია კისრულობს მიაწოდოს შემსყიდველს თანდართულ დანართში გათვალისწინებული საქონელი, ხელშეკრულების პირობების შესაბამისად, ხოლო შემსყიდველი ვალდებულია კისრულობს აუნაზღაუროს მიმწოდებელს მიწოდებული საქონლის ღირებულება, ხელშეკრულების პირობებში ასახულ ვადებში და ფორმით.
- 2.3. კლასიფიკატორის (CPV) კოდ(ებ)ი:
CPV 30100000-საოფისე მანქანა-დანადგარები, აღჭურვილობა და საკანცელარიო ნივთები, კომპიუტერების, პრინტერებისა და ავეჯის გარდა.
30125100-ტონერინი კარტრიჯები ;

3. ხელშეკრულების ღირებულება

- 3.1. ხელშეკრულების ჯამური ღირებულება შეადგენს -----ლარს. (შემდგომში, ხელშეკრულების ტექსტში - ხელშეკრულების ღირებულება).
- 3.2. ხელშეკრულების ღირებულება მოიცავს, საქონლის მიწოდებასთან დაკავშირებული ყველა ხარჯსა და საქართველოს კანონმდებლობით დადგენილი გადასახადებს.

თანხმები ნაწილდება შემდგენიარად:

საგარეჯოს მუნიციპალიტეტის მერია:

საგარეჯოს მუნიციპალიტეტის საკრებულო:

სამხედრო სამსახური:

დაფინანსების წყარო: 2023 წლის ადგილობრივი თვითმმართველი ერთეულის ბიუჯეტი 100%

4. ხარისხი

4.1. შემოთავაზებული კარტრიჯები უნდა იყოს ახალი, ქარხნული წარმოების, შეფუთვის და სხვა დამცავი ნიშნების დაზიანების გარეშე, არ უნდა იყოს ექსპლუატაციაში ნამყოფი ან/და აღდგენილი.

4.2. კარტრიჯები უნდა იყოს ქარხნული წესით შეფუთული. შეფუთვაზე მითითებული უნდა იყოს მწარმოებლის დასახელება, მოდელი, ინფორმაცია პრინტერის მოდელთან თავსებადობის შესახებ. გაყალბებისა და ფალსიფიცირებისგან დაცვის მიზნით, თითოეულ კარტრიჯს შეფუთვაზე უნდა ჰქონდეს ჰოლოგრამა.

4.3. კარტრიჯიდან არ უნდა იზნეოდეს საღებავი (ტონერი) საბეჭდო მოწყობილობაში. მსგავსი ფაქტის შემთხვევაში „შემსყიდველი“ უფლებამოსილია მოსთხოვოს „მიმწოდებელს“ დაზიანებული ტექნიკის შეკეთება საკუთარი ხარჯით.

5. შესრულებული საქონლის საგარანტიო ვადა

5.1. მიწოდებულ ტონერიან კარტრიჯებზე საგარანტიო პირობები უნდა ვრცელდებოდეს გახსნიდან მისი ბეჭდვის რესურსის ამოწურვამდე (სრულ დაცლამდე) ან არანაკლებ 1 (ერთი) წელი, რომელიც ადრე შესრულდება მიღება-ჩაბარების აქტის შედგენიდან.

5.2. ბეჭდვისას არ უნდა გამოვლინდეს ხარვეზები; ზედმეტი წერტილები, ზოლები და ა.შ., ამასთანავე, კარტრიჯიდან არ უნდა იზნეოდეს საღებავი საბეჭდო მოწყობილობაში; არ უნდა იწვევდეს პრინტერის მუშაობის ხარისხის გაუარესებას და პრინტერის დეტალ(ებ)ის დაზიანებას; აღნიშნული და სხვა დეფექტების აღმოჩენის შემთხვევაში, მიმწოდებელი ვალდებულია დააკმაყოფილოს წარდგენილი პრეტენზია და უზრუნველყოს დეფექტების გამოსწორება ან საჭიროების შემთხვევაში ჩაანაცვლოს დეფექტური საქონელი საკუთარი სახსრებით - წუნის აღმოჩენიდან – შემსყიდველის უფლებამოსილი პირ(ებ)ის მიერ სატელეფონო ან/და ელ. ფოსტის საშუალებით გაკეთებული შეტყობინებიდან არაუგვიანეს 3 (სამი) სამუშაო დღეში.

5.3. კარტრიჯიდან არ უნდა იზნეოდეს საღებავი (ტონერი) საბეჭდო მოწყობილობაში. მსგავსი ფაქტის შემთხვევაში „შემსყიდველი“ უფლებამოსილია გონივრულ ვადაში არაუგვიანეს 5 (ხუთი) სამუშაო დღის განმავლობაში მოსთხოვოს „მიმწოდებელს“ დაზიანებული ტექნიკის შეკეთება საკუთარი ხარჯით.

6. შესყიდვის ობიექტის მიწოდების ადგილი და ვადები

6.1. შესყიდვის ობიექტის მიწოდების ადგილია: ქ.საგარეჯო, დ.აღმაშენებლის ქ., N9.

6.2. საქონლის მოწოდება უნდა მოხდეს, ხელშეკრულების გაფორმებიდან 10 კალენდარული დღის ვადაში,

7. მიღება-ჩაბარების წესი

7.1. შესყიდვის ობიექტი ჩაითვლება მიღებულად მას შემდეგ, რაც მხარეებს შორის გაფორმდება მიღება-ჩაბარების აქტი.

7.2. ხელშეკრულებით გათვალისწინებული საქონლის მიღებას ახორციელებენ შემსყიდველისა და მიმწოდებლის შესაბამისი უფლებამოსილი წარმომადგენლები.

7.3. შემსყიდველი უფლებამოსილია განაცხადოს უარი საქონლის ან მისი ნაწილის მიღებაზე შემდეგ შემთხვევაში:

ა) მიწოდების ვადების დარღვევაში, თუ დაგვიანება შეადგენს 10 დღეზე მეტს;

ბ) თუ არ იქნება წარმოდგენილი თანმხლები დოკუმენტაცია სრული მოცულობით ან არ შეესაბამება ტექნიკური დავალების მოთხოვნებს.

გ) თუ ამ ხელშეკრულების 5.2 პუნქტის საფუძველზე შემსყიდველმა განაცხადა უარი საქონლის მიღებაზე, მიმწოდებელი ვალდებულია 3 დღის განმავლობაში გამოსწოროს ნაკლოვანებები, ამასთან ამ შემთხვევაში მიმწოდებელზე ვრცელდება ამ ხელშეკრულების 16-ე მუხლის 16.2. პუნქტით განსაზღვრული საურავის გადახდა როგორც დაგვიანებულით მიწოდებულ საქონელზე.

7.4. მიღება-ჩაბარების აქტის ხელმოწერამდე ყველა ქონებრივი უფლება საქონელზე ეკუთვნის მიმწოდებელს, რათა რისკები საქონლის შემთხვევაში (მთლიანად ან ნაწილობრივ) დაღუპვაზე, გაფუჭებაზე ან რაიმე ზიანზე ეკისრება მიმწოდებელს, ხოლო ხელმოწერის მომენტიდან აღნიშნული უფლებები და რისკები გადადის შემსყიდველზე.

7.5. მიმწოდებელი ვალდებულია გადასცეს შემსყიდველს უფლებრივად და ნივთობრივად უნაკლო საქონელი.

8. ანგარიშსწორების ფორმა და წესი

- 8.1. ანგარიშსწორება განხორციელდება უნაღდო ანგარიშსწორების წესით, თანხის გადარიცხვის ფორმით, ეროვნულ ვალუტაში – ლარში, მიმწოდებლის საბანკო ანგარიშზე, რომელიც მითითებულია წინამდებარე ხელშეკრულებაში.
- 8.2. ანგარიშსწორება იწარმოებს, ფაქტობრივად მიღებული საქონლის გათვალისწინებით, შესაბამისი მიღება-ჩაბარების აქტისა და საქართველოს კანონმდებლობით დაშვებული საგადასახადო დოკუმენტების (სასაქონლო ზედნადები ან/და საგადასახადო ანგარიშფაქტურა ან/და სხვა დოკუმენტები) საფუძველზე.
- 8.3. ანგარიშსწორება განხორციელდება ფაქტობრივად მიღებული საქონლის ღირებულების გათვალისწინებით, შესაბამისი მიღება-ჩაბარების აქტის ხელმოწერიდან და საგადასახადო დოკუმენტების დადასტურებიდან 10 (ათი) სამუშაო დღის განმავლობაში.

9. მხარეთა უფლება მოვალეობანი

9.1. შემსყიდველი ვალდებულია:

- 9.1.1. უზრუნველყოს მიწოდებული საქონლის მიღება და შესაბამისი ანაზღაურების გადახდა მიმწოდებლისათვის, წინამდებარე ხელშეკრულების პირობათა სრული დაცვით.

9.2. შემსყიდველი უფლებამოსილია:

- 9.2.1. მიმწოდებლისგან მოითხოვოს ნაკისრი ვალდებულებების ჯეროვანი შესრულება, წინამდებარე ხელშეკრულებით დადგენილი პირობებითა და განსაზღვრულ ვადაში.
- 9.2.2. მიმწოდებლის მიერ ხელშეკრულებით გათვალისწინებულ პირობათა შეუსრულებლობის შემთხვევაში შეწყვიტოს ხელშეკრულება.

9.3. მიმწოდებელი ვალდებულია:

- 9.3.1. გადასცეს შემსყიდველს ამ ხელშეკრულების მეორე მუხლში მითითებული ნივთობრივად და უფლებრივად უნაკლო შესყიდვის ობიექტი.
- 9.3.2. მიმწოდებლის ვალდებულება საქონლის გადაცემაზე ითვლება შესრულებულად შემსყიდველისათვის საქონლის გადაცემის მომენტიდან. საქონლის გადაცემასთან ერთად, მიმწოდებელი ვალდებულია გადასცეს შემსყიდველს ყველა შესაბამისი დოკუმენტი.
- 9.3.3. დაუყოვნებლივ აცნობოს შემსყიდველს იმ მოსალოდნელ მოვლენებთან და გარემოებებთან დაკავშირებით, რომლებმაც შეიძლება უარყოფითად იმოქმედონ საქონლის მიწოდებაზე.
- 9.3.4. დაუყოვნებლივ აცნობოს შემსყიდველს ხელშეკრულებით გათვალისწინებული ვალდებულებების შესრულების შეუძლებლობისა ან/და ხელისშემშლელ დაბრკოლებათა შესახებ.

9.4. მიმწოდებელი უფლებამოსილია:

- 9.4.1. შემსყიდველისაგან მოითხოვოს ამ ხელშეკრულებით გათვალისწინებული ვალდებულებების სრულად და დროულად შესრულება.

10. უფლებების გადაცემა

- 10.1. მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ხელშეკრულებით გათვალისწინებული უფლება-მოვალეობანი.

11. ხელშეკრულების პირობების გადასინჯვის შესაძლებლობა

- 11.1. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 11.2. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია თავდაპირველად დადებული ხელშეკრულების ჯამური ღირებულების 10%-ზე (ათი პროცენტი) მეტი ოდენობით გაზრდა.

12. ხელშეკრულებაში ცვლილების შეტანა

- 12.1. ხელშეკრულების დამდებ არც ერთი მხარეს არა აქვს უფლება ცალმხრივად შეცვალოს ხელშეკრულების პირობები.
- 12.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს

შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლის გამოც წარმოიშვა ხელშეკრულების პირობების შეცვლის აუცილებლობა.

12.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

13. შეტყობინება

13.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად უგზავნის მეორე მხარეს, გაიგზავნება წერილის, ფაქსის ან ელექტრონული სახით, ორიგინალის შემდგომი წარმოდგენით, მეორე მხარის ხელშეკრულებაში მითითებულ მისამართზე.

13.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

14. ინტერესთა კონფლიქტი

საქართველოს კანონის „სახელმწიფო შესყიდვების შესახებ“ მე-8 მუხლის მოთხოვნათა გათვალისწინებით, წინამდებარე ხელშეკრულებაზე ხელმომწერი პირი სრულად აკმაყოფილებს კანონის ამ მოთხოვნას და არ იმყოფება ინტერესთა კონფლიქტში „მიმწოდებელთან“.

15. ხელშეკრულების შესრულების შეფერხება

15.1. ხელშეკრულების შესრულების პროცესში, მხარეთ წინაშე წარმოშობილი დაბრკოლების გამო, ნაკისრი ვალდებულებების ვერ ან არაჯეროვნად შესრულების საფრთხის შესახებ, მხარე ვალდებულია წერილობით აცნობოს მეორე მხარეს შეფერხების ფაქტის, მისი შესაძლო ხანგრძლივობისა და გამომწვევი მიზეზების შესახებ. ხოლო შეტყობინების მიმღები მხარე კი ასევე, დაუყოვნებლივ აცნობებს თავის გადაწყვეტილებას, აღნიშნულ გარემოებებთან დაკავშირებით.

15.2. იმ შემთხვევაში, თუკი ხელშეკრულების პირობების შეფერხების გამო მხარეები შეთანხმდებიან ხელშეკრულების მოქმედების ვადის გაგრძელებაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

16. ხელშეკრულების პირობების შეუსრულებლობა (პასუხისმგებლობა)

16.1. ფორს-მაჟორული პირობების გარდა, მიმწოდებლის მიერ ხელშეკრულებით ნაკისრი ვალდებულებების შეუსრულებლობა ან/და დაგვიანებით შესრულება გამოიწვევს მის პასუხისმგებლობას, საქართველოს მოქმედი კანონმდებლობითა და წინამდებარე ხელშეკრულებით გათვალისწინებული წესით.

16.2. ხელშეკრულებით განსაზღვრული საქონლის მიწოდების ვადების დარღვევის შემთხვევაში, თუ სხვა ვადებს მხარეები არ შეათანხმებენ წერილობით, ყოველი დაგვიანებული დღისათვის მიმწოდებელს ეკისრება პირგასამტეხლო, შესასრულებელი ვალდებულების შესაბამისი ღირებულების 0,02%-ის ოდენობით.

16.3. მიმწოდებლის მიერ საქონლის მიწოდების ვადების 10 (ათი) კალენდარულ დღეზე მეტი დღით გადაცდენის ან ნაწილობრივ მიწოდებული საქონლის შემთხვევაში, შემსყიდველი უფლებამოსილია შეწყვიტოს ხელშეკრულება და დააჯარიმოს მიმწოდებელი შესასრულებელი (დარჩენილი) ვალდებულების შესაბამისი თანხის 10%-ის ოდენობით.

16.4. მიმწოდებლის მიერ ხელშეკრულებით გათვალისწინებული პირობების შეუსრულებლობის შემთხვევაში შემსყიდველი უფლებამოსილია ცალმხრივად შეწყვიტოს ხელშეკრულება და მოსთხოვოს მიმწოდებელს საჯარიმო თანხის გადახდა, ხელშეკრულების საერთო ღირებულების 20%-ის ოდენობით.

16.5. საჯარიმო სანქციების გადახდა უნდა მოხდეს შემსყიდველის წერილობითი მოთხოვნის მიღებიდან 10 (ათი) სამუშაო დღის განმავლობაში.

16.6. წინამდებარე ხელშეკრულების მოცემული პუნქტებით გათვალისწინებული პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისგან.

16.7. პასუხისმგებლობის სხვა ფორმები, რაც არ არის გათვალისწინებული ამ ხელშეკრულებაში, განისაზღვრება მოქმედი კანონმდებლობით.

17. ხელშეკრულების მოქმედების შეწყვეტა

17.1. შემსყიდველი უფლებამოსილია ცალმხრივად შეწყვიტოს ხელშეკრულების სრული ან ცალკეული პირობების მოქმედება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ;

- 17.1.1. თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს საქონელი;
- 17.1.2. თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება;
- 17.1.3. თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- 17.1.4. მიმწოდებლის გადახდისუნარიობის ან გაკოტრების შემთხვევაში;
- 17.1.5. მიმწოდებლის მიერ საქონლის მიწოდების ვადების 10 (ათი) კალენდარულ დღეზე მეტი დღით გადაცდენის შემთხვევაში;
- 17.1.6. საქართველოს კანონმდებლობით გათვალისწინებულ სხვა შემთხვევებში.
- 17.2. ხელშეკრულების შეწყვეტის შესახებ მხარეს ეცნობება წერილობით ხელშეკრულების (ან მისი ნაწილის) შეწყვეტამდე 10 (ათი) დღით ადრე მაინც, ამასთან უნდა მიეთითოს მიღებული გადაწყვეტილების საფუძველი და მისი ამოქმედების თარიღი.
- 17.3. ხელშეკრულების ცალკეული პირობების მოქმედების შეწყვეტა, არ ათავისუფლებს მიმწოდებელს დანარჩენი ვალდებულებების შესრულებისგან.
- 17.4. ამ მუხლის 14.1. პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიწოდებულ საქონლის ღირებულება.
- 17.5. მხარეთა შორის გაფორმებული მიღება-ჩაბარების საბოლოო აქტი წარმოადგენს ხელშეკრულების მოქმედების შეწყვეტის საფუძველს.

18. ფორს-მაჟორი

- 18.1. ხელშეკრულების დამდები, რომელიმე მხარის მიერ ხელშეკრულების პირობების შეუსრულებლობა ან დარღვევა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.
- 18.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა ან/და მიმწოდებლის შეცდომებსა და დაუდევრობასთან ან/და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და ტვირთის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.
- 18.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებებისა და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.
- 18.4. ფორს-მაჟორული გარემოებების არსებობა ავტომატურად არ იწვევს ხელშეკრულების გაუქმებას. მხარეები ვალდებული არიან განსაზღვრონ წინამდებარე ხელშეკრულების ფორს-მაჟორულ მოვლენებთან მისადაგების საკითხი.
- 18.5. ფორს-მაჟორული გარემოებების შეწყვეტისთანავე მხარეები დაუყოვნებლივ აგრძელებენ ხელშეკრულებით ნაკისრი ვალდებულებების შესრულებას.
- 18.6. ფორს-მაჟორული გარემოებების არსებობის პირობებში, ხელშეკრულების შესრულების ვადა გადაიწვეს შესაბამისი დროით, თუ მხარეთა შორის არ იქნა მიღწეული სხვაგვარი შეთანხმება.
- 18.7. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდება სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

19. დავების გადაწყვეტის წესი

- 19.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია

გადაწყვეტილ იქნას ორივე მხარის ერთობლივი მოლაპარაკების საფუძველზე.

19.2. შეთანხმების მიუღწევლობის შემთხვევაში მხარეები მიმართვენ სასამართლოს, საქართველოს კანონმდებლობის შესაბამისად.

20. ხელშეკრულების ინსპექტირების პირობები

20.1. ხელშეკრულების კონტროლის, მისაღები ან მიღებული საქონლის მოცულობისა და მიწოდების ვადების ხელშეკრულების მოთხოვნებთან შესაბამისობის დადგენის მიზნით სათანადო კონტროლისა და ზედამხედველობის განხორციელებისა და მიღება-ჩაბარების აქტ(ებ)ის გაფორმებისა და ხელშეკრულების პირობების შესაბამისად მიმწოდებელთან ანგარიშსწორების პროცესის რეგულირების საკითხებში მიმწოდებელთან ითანამშრომლებს შემსყიდველის მიერ განსაზღვრული პირ(ებ)ი.

20.2. ინსპექტირების განმახორციელებელი პირ(ებ)ი, უფლებამოსილია შეამოწმოს მიღებული საქონელი ან მისი ნაწილი, რათა განსაზღვროს მათი შესაბამისობა ხელშეკრულების მოთხოვნებთან.

20.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა, წუნდებული საქონლის შეცვლა და კონტროლის (ინსპექტირების) შედეგად დაზიანებული საცდელი ნიმუშების ღირებულების დაფარვა.

21. დასკვნითი დებულებანი

21.1. საკითხები, რომლებიც არ არის რეგულირებული წინამდებარე ხელშეკრულებით, წყდება საქართველოს მოქმედი კანონმდებლობის საფუძველზე.

21.2. ხელშეკრულების დებულებებში ცვლილებების ან/და დამატებების შეტანა შესაძლებელია მხოლოდ მხარეთა შორის ურთიერთშეთანხმების საფუძველზე, წერილობითი გაფორმების შედეგად.

21.3. ხელშეკრულების ერთ-ერთი მხარის მიერ, ხელშეკრულებით გათვალისწინებული რომელიმე უფლების გამოუყენებლობა არ წარმოადგენს ამ უფლებაზე უარის თქმას.

21.4. ამ ხელშეკრულების რომელიმე პუნქტის (ან მისი ნაწილის) გაუქმება არ იწვევს დანარჩენი პუნქტების გაუქმებას.

21.5. მხარეთა შორის ნებისმიერი შეტყობინება საჭიროებს წერილობით ფორმას. მხარეთა შორის ზეპირი შეტყობინებები ან/და შეთანხმებები სადაოობის, ურწმუნოების ან უზუსტობების შემთხვევაში იურიდიული ძალის არმქონეა.

21.6. მხარეები ვალდებული არიან გაუფრთხილდნენ თითოეულის სახელს, საქმიან რეპუტაციას და ღირსებას, დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.

21.7. ხელშეკრულება ძალაში შედის მხარეების მიერ მისი ხელმოწერის დღიდან და მოქმედებს 2023 წლის 05 თებერვლამდე. თუ, ამ თარიღისათვის არ არის შესრულებული რომელიმე ვალდებულება ხელშეკრულება ავტომატურად გაგრძელდება მხარეთა მიერ ნაკისრი ვალდებულებების სრულად და ჯეროვნად შესრულების მომენტამდე.

21.8. წინამდებარე ხელშეკრულება შედგენილია ქართულ ენაზე, ორი თანაბარუფლებიანი ძალის მქონე ეგზემპლარად და ინახება მხარეებთან.

22. მხარეთა იურიდიული მისამართები და რეკვიზიტები

„შემსყიდველი“

„მიმწოდებელი“

საგარეჯოს მუნიციპალიტეტის მერია
მისამართი: ქ.საგარეჯო დ.აღმაშენებლის ქN9
საიდენტიფიკაციო კოდი: 238154849
ბანკი: სახელმწიფო ხაზინა
ბანკის კოდი: TRESGE22
BAGAGE22
სახაზინო კოდი: 300559921

მერი

ავთანდილი გულიკაშვილი

